

LETSATSILA DITOKELO TSA BOTHO

# 2019

## SELEMO SA DIPUO TSA

### LEHAE:

HO KGOTHALLE TSA LE HO  
MATLAFATSA TLWAELO YA  
DITOKELO TSA BOTHO

Puo ya Bohlokwa

**MOPRESIDENTE CYRIL RAMAPHOSA**

Letsatsi: **21 Tlhakubele 2019**

Nako: **09:00**

Sebaka: **George Thabe Cricket Pitch,  
Sharpeville, Gauteng**

#HumanRightsDay

#IndigenousLanguages

#IamTheFlag

**Mmoho re Ntshetsa Afrika Borwa pele**



## SEHOPOTSO SA 2019 SA DIKGWEDI TSA DITOKELO TSA BOTHO

Aforika Borwa e hopola Kgwedi ya Ditokelo tsa Botho ka Tlhakubele, tlasa mookotaba o reng: “The Year of Indigenous Languages: Promoting and Deepening a Human Rights Culture (Selemo sa Dipuo tsa Lehae: Ho kgothalletsa le Ho matlafatsa Tlwaelo ya Ditokelo tsa Botho).”

Letsatsi la Ditokelo tsa Botho le tla hopolwa ka la 21 Tlhakubele 2019 Sharpeville, Gauteng moo Poresidente Cyril Ramaphosa a tla bua le setjhaba.

Letsatsi la Ditokelo tsa Botho la Naha Aforika Borwa le amana le la mohla la 21 Tlhakubele 1960; leo ka lona mmuso wa kgethollo o ileng wa bolaya baipelaetsi ba neng ba tshwere mohwanto o kgutsitseng. Ketso ena e bile phetoho e kgolo nalaneng ya Aforika Borwa ka la 21 Tlhakubele 1960 ha mohwanto o neng o le kgahlano le ho tshwarwa ha dipasa, o lebile seteiseheneng sa sepolesa sa Sharpeville o ne o qhalana habohloko, ho bolawa batho ba bangata ba neng ba hwanta ba kgutsitse. Hamorao letsatsing leo, lekeisheneng la Langa kantle ho Motse Kapa, mapolesa a ile a shapa baipelaetsi ba neng ba kgobokane ka melangwana le ho ba tshela ka kgase e llisang, a thunya ba bararo le ho ntsha ba bang ba bangata kotsi. Ho bolawa ha batho ba bangata Sharpeville, jwalo ka ha ketsahalo ena e tsebahala, ho bontshitse qaleho ya ntwa ya dibetsa Aforika Borwa, le ho etsa hore lefatshe kaofela le sehollle dipholisi tsa mmuso wa kgethollo tsa Aforika Borwa

Sehopotso sa 2019 se hatella bohlokwa ba dipuo tsa lehae le tlhokeho e potlakileng ya ho boloka, ho ntjhafatsa le ho kgothalletsa tshebediso ya tsona. Re tlameha ho kgothalletsa le ho tshehetsa ho ruta, ho boloka le ho ntjhafatsa dipuo tsa lehae.

*Bili ya Ditokelo e tshehetsa diphapano tsa dipuo tsa rona le ho kgothalletsa hore ditokelo tsa tshebediso ya dipuo di hlomphe.*

Molaotheo o fana ka taelo ya tekatekano ya tshebediso ya dipuo tsa semmuso naheng kaofela, le hore dipuo tsa rona kaofela di fuwe tlhompho e loketseng, ho ananela batho ba dipuo tse sa sebedisweng boemong bo phahameng hore ho kgotsofatswe ditlhoko tsa bona le bathahaselli ba dipuo.

Mmuso wa demokerasi wa Aforika Borwa o kgothalletsa tlwaelo ya ho hlompha ditokelo tsa botho. Dipuo tseo re di sebedisang le tsona di tlameha ho kgothalletsa hore ho se be le kgethollo ya morabe le bong mme re tlameha ho beha leihlo bathong ba sebedisang puo ho hlhelleltsa kgethollo ya morabe, bong le mefuta kaofela ya ho se batle ho amohela le ho hlompha batho ba bang.

Ha re kgothalletseng kopano setjhabeng, ho hodisa setjhaba le ho sebetsa mmoho ntshetsopeleng ya dintho tse amanang le moruo setjhabeng. Ha re kopaneleng matsapa a rona a ho fedisa kgethollo ya morabe, lehloyo la melata le dintho tse amanang le ho se batle ho amohela le ho hlompha batho ba bang. Ha re beng ngatana-nngwe. Ha re pheteng pale ya Aforika Borwa ya banna le basadi ba inehetseng ka maphelo a bona hore re fumane tokolloho.

Ha re ketekeng dikatleho tsa dilemo tse 25 tokolloho le demokerasi.

#HumanRightsMonth (Kgwedi ya Ditokelo tsa Botho) #HumanRightsDay (Letsatsi la Ditokelo tsa Botho) #IndigenousLanguages (Dipuo tsa Lehae) #IamTheFlag (Ke folakga)

Mafapha a mmuso; a jwaloka Home Affairs (Lefapha la Merero ya Lehae) jj, a tla fana ka ditshebeletso tsa mahala letsatsing leo. Etla le ID ya hao le ditokomane tse ding tse amehang ho fumantshwa tshebeletso haeba o batla.

**Molaetsa o o tlišetswa ka motlotlo ke Mmuso.**

**Together we move South Africa forward**

